

نشطاء يتداولون فوارق بين عهد الرئيس مرسي وبين الانقلاب



الأحد 2 فبراير 2014 12:02 م

نافذة مصر

تداول نشطاء عبر مواقع التواصل الاجتماعي فيس بوك عدة فوارق بين عهد فخامة الرئيس مرسي وبين عهد الانقلاب الدموي في مصر الذي وصل بالبلاد للهاوية , لدرجة تسول الملابس من الدول الداعمة للانقلاب , وكان أهم الفوارق ما يلي

- أيام مرسي كان خلفنا على مشروع النهضة الحقيقي و لا فنكوش
- دلوقتي ما فيش مشاريع اصلا ..
- أيام مرسي كان خلفنا التابليت اينار مكوناته مصرية و لا تجميع ...
- دلوقتي خلفنا هل الملابس اللي شحتناها من الامارات جديدة و لا مستعملة ..
- أيام مرسي كان خلفنا هانبقى زى تركيا و لا لاء ...
- دلوقتي خلفنا هانبقى زى سوريا و لا لاء ...
- أيام مرسي كنا بنشحت من تركيا و قطر ...
- دلوقتي بنشحت من السعودية و الكويت و البحرين و الامارات و الاردن و الخ ..
- أيام مرسي المعارضة كانت بتشتكى من عدم المشاركة فى الحكم ...
- دلوقتي المعارضة يا اما فى القبور يا اما فى السجون ...
- أيام مرسي كان اهلى و عشيرتى ..
- دلوقتي انتو شعب و احنا شعب لينا رب و ليكو رب ..
- أيام مرسي كنت ممكن تقول نعم و ممكن تقول لا ...
- دلوقتي ممكن تقول نعم و ممكن تقول نعمين ...
- أيام مرسي 6 ابريل اتظاهرت عند بيت الرئيس بالبرسيم و عند بيت وزير الداخلية بالملابس الداخلية ...
- دلوقتي 6 ابريل بتحرم الخروج على الحاكم ...
- أيام مرسي الاعلام كان بيشتتم مرسي ..
- دلوقتي الاعلام برده بيشتتم مرسي " دى ما اتغيرتش بصراحة " ...
- أيام مرسي كنا بنشكتى من الارهاب فى سيناء فقط و باقى مصر امان ...
- دلوقتي الارهاب وصل بسلامة الله الى المنصورة و الى القاهرة و التفجيرات بقت ديليفرى ...
- أيام مرسي كان الشعب مصدر السلطات ...
- دلوقتي السلطات و الشعب مع بعض فى يد شخص واحد .
- أيام مرسي كان الناس يتقف فى طوابير البنزين ...
- دلوقتي الطوابير اتنقلت لمشرحة زينهم ...
- مرسي كان بيقول انا بشر اصيب و اخطئ ..
- دلوقتي السيسى بيقول انا على الحق المبين ...
- أيام مرسي السياحة كانت نص نص ...
- دلوقتي السياحة " اذكروا محاسن موتاكم " ...
- أيام مرسي كانوا بيقولوا انه هايلبس الستات النقاب ..
- دلوقتي الستات بينزع نقابها فى الشارع ...
- أيام مرسي كان فيه انقسام فى الشارع ...
- دلوقتي فيه حرب شوارع ...

